

Ўзбекистон Республикаси Мустақиллик куни — 1991 йил 1 сентябрдан чиқа бошлаган

Муассислар: Ўзбекистон Республикаси Хотин-қизлар кўмитаси, Болалар жамғармаси ва «Соғлом авлод учун» Халқаро хайрия жамғармаси

## АЁЛ БАХТИ СИЗДА МУЖАССАМ



Сўхбатдошим, Самарқанд вилояти Тойлоқ туман судида 8 йилдан буён раислик қилиб келаётган замонамизнинг илғор аёлларидан бири — Хонимой Насимова.

— Хонимой, аёл энг аввало кўз ўнгимизда Она тимсолида намойён бўлади. Суд, адвокатура, вазифалари нихоятда оғир, жамоат ишлари буларнинг барчаси бир аёл учун оғирлик қилмайдими?

— Фикрингизга кўшиламан. Аёл — аёллик нафосати, оналик туйғулари ила муқаддас ва эъзогга сазовордир. Ҳаётимизнинг мезони — яшаш. Яшашнинг нечоғли фаровон ва ободли бўлиши эса ўз навбатида онага ҳам боғлиқ. Шахсан мени рўзгоримдаги ишлар, оналик туйғуси қамраб олган бўлса-да, касбим тақозоси туфайли эл-юрт олдидаги бурчимни ҳам унуттишга ҳаққим йўқ. Ота-она фарзанд учун, келажак учун жавобгар бўлган масъул шахслардир. Шунингдек, улар яратувчанлик ишқи билан порлоқ келажакка интилиб яшашлари даркор. Аммо, бугунги кунда жиноят оламига кадам қўйган, охир-оқибатда пушаймондан ўзга чораси қолмаган аёлларни кўриб эзиласан киши. Таассуфки, кейинги пайтда аёлларнинг жиноят содир этиш ҳоллари ҳам тез-тез учрамоқда.

Олий Мажлисининг XIV — сессиясида Президентимиз маъмурий органлар ишига жуда катта эътибор билан ёндошганлари мени ҳам ўйлантириб қўйди. Қанийди, жиноятлар содир этилмаса, аёллар бева, гўдаклар етим қолмаса... Айниқса, жиноятчи аёл устидан ҳукм чиқариш аёл судья учун нечоғли оғирлигини тасаввур ҳам этиш олмайсиз...

— Ҳозирги вақтда ўз ҳуқуқларини билмай аро йўлда қолган кўлаб аёлларни учратамиз. Судья сифатидаги фикрингиз қандай?

— Кейинги йилларда чиқарилаётган Фармонларнинг аксарияти аёлларнинг ҳуқуқларини ҳимоя этишга қаратилган. Аёл демократик қурилишнинг иштирокчиси бўлибгина қолмай, унга ўз хиссасини ҳам қўшиши лозим. Аёлга гарчанд кўпчилик кишилар ожиз ва заифа деб қарашсада, ижтимоий ҳаётда эркаклар билан баб-баравар ўрин эгаллайди.

Уларни улкан яратувчи кишилар деб атасак хато бўлмайди. Улар она сифатида, қолаверса, аёл сифатида мамлакатимизда олиб борилаётган минглаб ижобий ишларнинг иштирокчиси, ўз-ўзини ҳимоя эта олувчи шахс эканлигини ҳам ҳис этишлари лозим. Аёл қачонки чиқарилган Қонун мажмуаларини ўқиб, ёнғ атрофда рўй бераётган воқеаларга адолат кўзи билан қараб, мушоҳада этиб борса, ана ўшандагина ҳар қандай вазиятда ҳам ўзини ҳимоя эта олади. Икки йўл орасида, асосатда қолмайди. Келажак эгалари фарзандларини ҳам фақат эзгу ишларга йўналтиради. Ҳозирги ижтимоий ҳаётимизнинг бош вазифаси ҳамда талаби аёлдан оналик, қолаверса аёллик ҳуқуқини чуқур англаб этишга, кези келганда бу ҳуқуқлардан тўғри фойдалана олишга даъват этади.

— Аҳоли ўз ҳуқуқини англаб этиши учун қандай ишлар амалга оширилмоқда?

— Биз қонун кишиларимиз. Жиноятларнинг олдини олиш учун маҳаллаларда, мактабларда ва бошқа ўқув юртларида турли хил тадбирлар ўтказамиз. Бу йўл охир-оқибатда боши берк кўчага олиб боришини, ҳаётда қўқилмасликлари учун ёшларга қимматли маслаҳатлар бериб борамиз. Айниқса, «Сиз қонунни биласизми?» рукни остидаги тадбирларимизда туман ўқувчилари вилоятда биринчи, республикада салмоқли ўринни эгаллашгани биз учун қувонарли хол. Чунки ёшлар, ўсмирлар қанчалик қонунни билишса, жиноятчилик шунчалик камайди.

Сўхбат давомида Хонимой устозлари М. Нормуродов, Х. Исломов, А. Ҳамроқуловларнинг номиларини алоҳида эътиром билан тилга олиб ўтди. Хонимой турмуш ўртоғи билан 3 нафар фарзандни тарбияламоқда. Унаси ва қайнонаси билан олган ўғитлари бу борада айниқса қўл келмоқда.

**Бир аёлга қанча бахт,  
Атаган бўлса Оллоҳ,  
Бари сизда мужассам,  
Оллоҳнинг ўзи гувоҳ.**

Б. ТУРОБОВА

### ЧОРШАНБАДАН ЧОРШАНБАГАЧА

## ЎЗБЕКИСТОН: ВОҚЕАЛАР, ЯНГИЛИКЛАР КЎЗГУСИДА

● Самарқанд Давлат меъморчилик-қурилиш институтида ЮНЕСКО кафедрасини ташкил этишга қарор қилинди. У Ўзбекистондаги меъморий обидаларни асраб-авайлаш, шахарсозлик муаммоларини ечишни кўзда тутди.

● Ўзбекистон Ички Ишлар Вазирлиги тизимида «Ўзбекистон — Ватаним маним» кўшиқ байрами ўтказилди. Унинг голиблари аниқланди.

● Ўзбекистон Олий суди биносида 16 февраль воқеаларида иштирок этган 22 нафар жиноятчи устидан бошланган суд жараёни давом этапти.

● Ўзбекистон Республикаси Президенти Ислом Каримов 10 июнь куни расмий ташриф билан келган Хитой Халқ Республикаси Бош вазирининг ўринбосари Цян Циченни қабул қилди.

● 10 июнь куни матбуотда Ўзбекистон Республикаси Президентининг «Зулфия номидаги Давлат мукофотини таъсис этиш бўйича таклифларни қўллаб-қувватлаш тўғрисида»ги Фармони эълон қилинди.

● Ўзбекистон Республикаси Президенти Ислом Каримов 11 июнь куни Оксарой қароргоҳида Франция Иқтисодиёт, молия ва саноат вазирлигининг Давлат маслаҳатчиси Кристиан Пьеррени қабул қилди.

● Жиззахда ҳамшира қизларининг аънавий «Ҳамшира-99» кўриктанлови ўтказилди. «1999 йилнинг энг зўр ҳамшираси» тожи Севара Каримовага насиб этди. Иккинчи ўрин Шаҳноза Шариповага, учинчи ўрин Элмира Мусаевага берилди.

● Пойтахтимизнинг «Динамо» теннис кортида бир ҳафта давомида жаҳоннинг 21 мамлакатидан келган 70 га яқин спортчилар ўртасида мусобақалар бўлиб ўтди. Юртдошимиз И. Тўлаганова дастлабки мусобақаларда голиб чиққан бўлса-да, бироқ ёш теннисчининг халқаро майдонлардаги тажрибаси камлиги боис, ярим финалда имкониятни қўлдан бой берди.

Баҳс нихоясида бош соврин исроиллик Анна Смашнова насиб этди.









**Қадрият отажонимиз**  
**Шўбрак Махмудов!**



Сизни 16 июнь тугилган кунингиз, муборак 41 ёшингиз билан кутлаймиз. Эзгулик бахшида умрингиз фарзандлар камоли билан зиега тулсин.

**Умр йўлдошингиз**  
Дилбархон,  
фарзандларингиз Наргиза,  
Дилафрўз, Феруза,  
Дилноза, Муҳайё

**ТАЪБИРКЛАЙМИЗ!**

*Алмиз ва суякни*  
*рафикам*  
**ПОКИЗЛАХОНИ!**

Таваллуд кунингиз, 30 баҳорингиз муборак бўлсин! Оллоҳдан сизга узоқ умр, фарзандларимиз бахтига доимо соғ бўлишингизни тилаймиз.

**Умр йўлдошингиз —**  
Музробжон,  
фарзандларингиз-  
Авазхон, Сунатиллаҳон,  
Моҳираҳон, Орастакхон

**«ДИОРОМ» ЎҚУВ МАРКАЗИ ТАКАМО ЭТАДИ**  
**2 ОЙЛИК КУРСЛАРГА**

1. Зардушаник — Бухороча.
2. Аёллар кийимларини тикиш ва бичиш, моделлаштириш.
3. Аёллар энгил кийимларини тикиш ва бичиш, моделлаштириш.
4. Машинада кўлда гул тикиш.
5. Компьютер билимлари.
6. Бухгалтерия ҳисоби.

**3 ОЙЛИК КУРСЛАРГА**

1. Инглиз тили (бошловчилар ва давом эттирувчилар учун).
2. Компьютерда бухгалтерия ҳисоби.

Манзил: Абай кўчаси, 4-а уй, 1 қават, 114 хона.  
Тел.: 144-61-81, 58-48-50.  
Ориентир Алишер Навоий метро бекати.

**Эълон**

7 хонали барча кулайликларга эга 4,5 сотих ери, алоҳида боғи бор планил ховли сотилади.

Манзил: С. Раҳимов тумани, Чукурсой 208-уй.  
Телефон: 100-43-75 Шавкат.

**ОТАЖОН, СИЗГА СУЯНГАН ЭКАНМИЗ**

Ота... фақат сиз менинг шеврийатга ошно дилмин тушунардингиз. Акамнинг азобли, ачиқ тақдир, сизни гантиб кўйди. Эҳ, қуриб кетсин дунёнинг ишлари деб оҳ тордардингиз. Ўғлингиз котил қайинукаси қилган жиноятини яшириш мақсадида ҳамда унинг ёш умрига ачиниб, ўзини оловга отди. Уни қутқараман деб, бир умр олов ичида ёниб кетди.

Сиз ўғлингиз билан бирга жабрини тордингиз. Қамонкин азоблари оқибатида ёшгина ўғлингиз оламдан ўтди. 8 йил деганда оқлаб олиб келдингиз, 16 кундан сўнг туپроққа бердингиз.

Ўғлингизни азоби, сизни адо қилди. Ҳаётда меҳр кўзи кўр инсонлар борлигидан нолидингиз. Икки йилдан сўнг меҳрсизлик оқибатида, ҳаёт йўлларидан қаттиқ қокилган ўғлингиз томон кетдингиз. Ўғлингиз жуда яхши кўраркан дейишга эди одамлар. Ажойиб одам эдилар деб кўйинициди, кўлар. Илоҳим жойингиз жаннатдан бўлсин, деб рўҳингиз пойига дуояр ўқийсин.

Сизга суюнган эканмиз, Сиз йўқсиз, аммо хонадондан ўз ўғлингиз билан торидин. Сиз экан бодомлар ҳар баҳорда кийоғс гуллаб сизни чакиратгандай. Сиз яратган бир-бирига туташ боллар ичида 6 та ўғлингиз, 6 та келинингиз юрибди.

Сиз йўқсиз, аммо мен сизни бор, деб яшайман. Сизга катта меҳр кўйганман. Қабрингиз бошига бориб, узоқ сўзлашаман. Эсимда, отажон, акамиз қабрига гуллар қўйганимизда кўзингиздан оққан ёшлар юрагини азоблаганми. Ўғлим, сен менга гул қўймай, мен сенга гул олиб келдим бу фойил дунёни бир ёғ кемтик экан, дея нола қилдингиз ўшанда.

Шамол дир-дир титратаётган кўкатлар, майсалар, йилганманг, «ота» деб тасалли бераётгандай эди.

«Фарзанд доғи ёмон. У инсонни ичини кемтирди болам... Ҳеч қачон бу доғни кўрмай ўтинлар болаларим...»

Юрагим отам армонидан титрайди. Кўзларимдан ёшлар оқади, бўзимга бир нарсани тикилгандай «доғ» дегим келади. Бу йил эса ўша қабр ёнида яна бир қабр дўппайди...

Бу Сизни қабрингиз отажон...  
**Роҳила ШЕРОВА,**  
Қашқадарё вилояти



**БИР ДАСТА ГУЛ**

Мен яқинда Ўзбекистон кишлоқ хўжалик машина-созлиги заводига қарашли тиббий санаториянинг юрак хасталиклари бўлимида даволаниб чиқдим. Шифохона бош хамшираси Матлуба Мирқаримова, бўлим мудириси Севара Пулатова, шифокор Нодира Ҳасанова, хамширалар Дилфуза Мараимова, Ҳамро Мирсодиқова, Матлуба Убайдуллаева, Шарофат Зокирова, Дилноза Сайфуллаеваларга ўз миннатдорчилигини мана бу шеърим билан изҳор қилмоқчиман:

**Тошкентнинг боғларидан,**  
**Терилган бир даста гул.**  
**Бу жаннатий гуллардан,**  
**Соғаяр хаста булбул.**  
**Рўҳингиз энгил тортар,**  
**Ёқили бир сабадан,**  
**Шубҳасиз бир даста гул,**  
**Эҳсон момо ҳаводан.**  
**Ҳар бирининг ўз ранги,**  
**Ўз ҳиди бор албатта.**  
**Лекин учратмагандим,**  
**Бунақасини ҳаётда.**  
**Одоб, ахлоқ, ҳаёдан,**  
**Ибрат олар парилар.**  
**Хурсанд мудом улардан,**  
**Ҳамма ёшу қарилар.**  
**Тошкентнинг боғларидан,**  
**Терилган бир даста гул.**  
**Сизнинг чин**  
**меҳрингиздан,**  
**Соғайиб кетдим буткул.**  
**Тоҳир НОРИМОВ**

**ТАЪБИРНОМАСИ**

**ЯНГИ ОЙ ЧИҚҚАН КЕЧА**

Болалигимизда осмонда янги ой кўрсак онам раҳматли: — янги ой чиқибди яхшилик бўлсин, кейинги ойга ҳам эсон-омон етайлик, тинчлик бўлсин, — деб дуо қилардилар. Шунга одатланган эдик.

Мен бундан 30 йил аввал 16 ёшимда Тошкент вилоятининг Кўктерак кишлоғига келин бўлиб тушдим. Гушангага (чимилдик) қирган кунимдан «куёвга нима сарпо қилдинглар», «битта уйни тўлдирмадинглар», «фалончини кизи дераза пардамини оқ крелдешиндан қилмасанглар, куёвга чикмайман, — деб тўпалон қилибди, сен индамагансан», «фалончи куёвга оқ крелдешиндан салла қилибди», каби таъналар билан азобли кунларда қолдим. Ҳозир эсласам довулли, бўронли кунларда силкиниб яшаган гул эканман.

Бир кун мен туш кўрдим. Киш вақти эди. Тушимда уйда танча четида ўтирган эканман. Деразадан тип-тиник, кўм-кўк осмон, янги чиққан ой кўришиб турибди. Болалигимда одатлангандек югуриб ховлига чиқдим. Кўл очиб ойга қараб дуо қилдим.

Эрталаб туриб, қайнона оймиларга тушимни айтиб, таъбирини сўрадим. Шунда қайнона ойм: — Сен ойга қараб нима дединг — деб сўрадилар. — Яхши ният қилдим, дуо ўқудим, — дедим қалтираб.

Яна нима дединг, нима деб ният қилдинг, нима ларни сўрадинг, — уйла, айт, — деб зугум қилдилар.

Ҳайрон бўлдим, таъбирини сўрасам «мен қайдан билар» деб жавоб бердилар. Эртасига қайнона оймини оналар 90 ёшли бўйимиз келиб қолдилар. Тушимни айтиб бердим.

— Келин болам, тушингиз яхши. Ҳар кимни ҳам тушига ой кирараёмайди. Нимани ният қилсангиз ниятингизга етасиз, ўғлингиз ёруғ, худо оқ йўл бериб қиз туғасиз. Қизингиз ҳаётингизда йўлни юлдузингиз бўлади, — дедилар.

Мен у хонадонда 6 ой яшадим. Яна бир ой ёлғиз яшадим. Қайнона оймим ўғилларини ёнимга киритмадилар. Жуда-жуда қизғинардилар. 7 ойлик хомила билан онамникига қайтиб келдим. Яратган эгамга беадад шукр орадан 2 ой ўтиб кўзим ёриди. Ойдек, попуқдек қиз туғдим. Қизим шундай-шундай суюнчақ бўлди. Ҳар қандай одам бир кўтариб, бағрига босгиси келар эди. Орзу қилганим ўқийга — Низомий номли институтга кирдим. Ҳозир ўша қизим 30 ёшда. Шириндан-ширин, асалдан-асал невараларим бор. Оллоҳ ёмон кўздан асрасин. Қелиша уйимни, бағримни тўлдиришади. Кўнглимга чироқ ёқишади. Ҳаётимни мазмунли, маънисли шулар. Уша туш, бўвижонимизнинг пурҳикмат таъбирлари бот-бот кўз олдимга келиб хаёлимдан ўтади.

**Х. Ҳ.**  
**Тошкент вилояти,**  
**Кўктерак қишлоғи.**

**«ОИЛА ВА ЖАМИЯТ» ЎГИТНОМАСИ**

Эрга тенг келадиган қариндош йўқдир, эрга тенг келадиган дўст йўқдир, эрга тенг келадиган бошпана йўқдир.

Соз торсиз жарангламайди, арава гилдираксиз жилмайди, туғишгани мингта бўлса ҳам эрсиз аёл бахтсиздир.

Эрдан ажрашган аёлнининг умри. Хурмат, Гулрур, туғишганлар меҳри, яъни барчаси эр билан бирга кетади.

Аёл хор бўлган оила тезда ҳалокатга учрайди. У бахтли оила эса доимо гуллаб-яшнайди.

Ичкиликбозлик, тарбиясизлар билан мулоқотда бўлиш, эридан ажраш, дарбадарлик, ўзгалар хонадонидида тунаб қолиш ва яшаш-мана шу олти ҳолат аёллар холини ҳароб этгусидир.

Мудом ғалва чиқариб, ундан роҳатланидиган бертарбия аёл, аёл эмас, аёл киёфасига кириб олган ялмоғизнинг ўзгинасидир.

**Эркинжон Ҳаёнбой ўғли**

**ҲУҚУҚШУНОС МАСЛАҲАТИ**

**Савол:** Кўп хотинли эр-кақларга нисбатан қонунда қандай жазо кўрсатилган?

**Нигора Хабибуллаева, Қашқадарё вилояти.**

**Жавоб:** Ўзбекистон Республикаси Жиноят кодексининг 126-моддасида кўп хотинли — икки ёки ундан ортиқ аёл билан эр-хотин бўлиб яшаган шахсларга нисбатан 3 йилгача озодликдан маҳрум этиш ёки, 3 йилгача ахлоқ тузатиш меҳнат колониясида ишлаш шартли жазоси кўрсатилган.

**ЗАБИҲИЛЛО МУҲАММАДЖОНОВ,**  
ҳуқуқшунос.

**ИЛМЛИ ОИЛАДА**

**Илмли оилада ҳалоллик пайдо бўлар,**  
**Илмсиз оилада ёмонлик пайдо бўлар.**

**Қуш уяда нимани кўрса шуни қилади,**  
**Тарбияси йўқ ерда нодонлик пайдо бўлар.**

**Қайси турмушда агар мустаҳкам тарбия бор,**  
**Уша жойда ҳақиқий инсонлик пайдо бўлар.**

**Оиланинг эгаси яхши тадбиркор бўлса,**  
**Тўра, яшамоқ учун осонлик пайдо бўлар.**

**Жангчи шоирлар ижодидан**

**АЁЛЛАР**

Эрларнинг бахт, гурури, сирдош ёри аёллар, Хонадоннинг чиройи, энг даркори аёллар.

Рўзгор илмин улардек биладиган киши йўқ, Керакли нарсаларнинг талабгори аёллар.

Ҳаёт машинасини ҳайдаб бўлмас уларсиз, Турмуш касаллигига зарур дори аёллар.

Фарзанд тарбиясида уларга тенг топилмас, Болаларнинг қувончи, уй баҳори аёллар.

Эр-у хотин — қўш хўкиз, ҳиссаси кўп рўзгорга, Мустақил элнинг, Тўра, фидокори аёллар.

**Тўра ЖУМАН**





**АРАЗ**

Энди сиздан ҳечам аразламайман,  
Лабларимни буриб кетмайман орта.  
Севгилим мен сизни Севгулим дедим,  
Ишонинг биринчи ва сўнги марта.  
Энди сиздан ҳечам аразламайман,  
Хандон, хандон отиб кулиб бераман.  
Пойимга қирқ лашкар отмасангиз бас,  
Ойдан ҳам ойлироқ тўлиб юраман.  
Сиз мени билмайсиз, пайкамайсиз ҳам,  
Бўйинидаги ёниқ холчаларимни.  
Кимлар териб кетди боғимиздан-эй,  
Хил-хил пишиб ётган олчаларимни.  
Энди сиздан ҳечам аразламайман,  
Хар кун шу сўқмоқда кутиб тураман.

**МАЙЛИГА АЯМАЙ ЁҒСИН ЁМҒИРЛАР...**


Севгилим мен сизни Севгулим дедим,  
Ҳаммасин ичимга ютиб тураман...  
Энди сизга ҳечам кулиб бермайман.

**МАЙЛИГА...**

Майлига аямай ёғсин ёмғирлар,  
Битта шу бошимни силаб оларман.  
Рости ёмғир билан туғилганман мен,  
Жафо кўзларида ёлғиз қоламан.  
Сизни яшираман — ёмғирларимдан,  
Кўзингизга тушиб қилмасинлар ҳўл.  
Севгим асли менинг бир томчи ёмғир,  
Ёмғир-ёғавергин менга меҳр бўл.  
Бугун мен ўтмаган кунларим Ғамшоҳ,  
Кўзларимни ғажиб илонлар огди.  
Ҳамон қайтмадингиз қадим юракка,  
Яна қанча-қанча ёмғирлар ёғди.  
...Майлига аямай ёғсин ёмғирлар,  
Битта шу бошимни силаб оларман.  
Нигора Йўлдошева.


**БАҲӢР ҚУЗИ**

Қорлар тушиб келди, хув баланд тахтдан,  
Сув бўлиб пойингга урмоқ-чун бошин.  
Юзингни кўрдими, нечун даъфатан.  
Ҳаяжони ошиб кетди кўшининг.  
Киприги пирпираб қарайди юлдуз,  
Ҳайратдан бақрайиб боқади ой ҳам.  
Мадҳингни куйлаш-чун кечаю кундуз,  
Созини созлайди созанда сой ҳам.  
Қошингни кўргандан ўзда йўқ шод,  
Қалдирғоч чарх урар сигмай осмонга.  
Майса қадамингга айтар ҳасанот,  
Тераклар тегрангга соқчи-посбондай.  
Лаб жуфтлаб турибди куртак, гунчалар,  
Номингни айтишга жиндай ийманиб.  
Сенга хуш ёқай деб борлиқ шунчалар,  
Куйманиб ётибди, тинмай куйманиб.  
**ТАЪРИФ**  
Бошидан бошлай десам, таърифи хуснин унинг,  
Бир сочининг васфига етмагай ялдо туни.



Қошлари ёсин кўриб, ёсин ўқингизим магар,  
Ки ул ой белгисидир бошга келур ғам-қайғунинг.  
Юзма-юз бўлса агар ой юзи ойна юзига,  
Кун каби кўзин кўриб кўзи қамашгай кўзгунин.  
Бору йўқдек озгини, таъриф айлар чоғида.  
Қилмангиз айб шоир ҳам кўйса ўзини йўқотиб.  
Сийнасига қаттиқ теккай хатто «нозик» сўзи ҳам.  
Оҳ нечук айлай таъриф «нозик»дан кўксини.  
Қилни қирқ ёрломаса таъриф боғида ким магар,  
Айтмасин бели ҳақинда хатто қилча сўзини.  
...Несин айтийки гўзалдир бошдин оёғи, кўринг  
Икки сочи бош уриб пойига, ўнглай изини  
Дилшод-о, ер ўғлисан, ҳаддингни билу сўнг гапир,  
Ки нафасинг етмагай куйлашга у кўк қизини.  
ДИЛШОД РАЖАБ

**ТЕРИЧИ НЕГА ҲУШИДАН КЕТДИ?**



**Болаларингизга ўқиб бериш**

Болаларим! Қадим замонда бир қишлоқлик киши каттақон шаҳарга бориб, бозор айлиниб юрган экан, хушбўй хидли нарсалар сотиладиган атторлик растасидан ўтаётганида ногоҳ хушидан кетиб йиқилиб қолибди. Уни ўраб олган оломон ичидан кимдир хушига келтириш учун қўлларини уқалар, баъзилар эса ўткир хидли хушбўй нарсаларни хидлатар, юзига сепарди. Аммо қишлоқлик киши ўзига келмас, аксинча баттароқ ҳолсизланарди.  
Ноилж қолган одамлар қичқирибди:  
— Ҳой, одамлар! Ораларингизда бу мусофирни танийдиган бирор киши борми?  
Бирок уни танийдиган киши топилмапти. Кун кеч бўлиб тун атрафга қора чойшабини ёпа бошлаган бир пайтга келиб шу ердан ўтаётган бир йуловчи теричи уни кўриб қилиб бақирибди.  
— Эй халойиқ! Бу бечоранинг юзига ҳеч қачон хушбўй суюқлик селманг. Муаттар нарсалар хидлатманг! Негаки, мен унинг хушидан кетиши сабабини билманам!  
Теричи шундай дея дори топиб келиш учун жўнаб кетибди ва теъда қайтиб келиб, хушсиз одамга бир сиким гўнгни хид-

латган экан, мўъжиза рўй берибди! Хушсиз одам хушига келиб, ўрнидан турибди. Шунда у:  
— Эй халойиқ! Бу одам теричи эди. Узоқ йиллардан бери бадбўй хидлар ичида яшаб, шунга ўрганиб қолганди. Атторлик растасидаги муаттар хидлар уни хушидан кетказиб йиқитган эди. Мана, у ўзи ўрганган хиддан шифосини топди, — депти.  
Бу ривоятдан келиб чиққан маъно шуки, болаларим, хар бир жонзот ўзи яшаётган муҳитга мослашади. Кўнғиз гўнг титқила-

ди. Улар худди муаттар хидлардан хушидан кетган боғи теричи каби покликка, турғилликка кўнқолайдилар. Уларни панд-насиҳат, ширин сўзлар, эзгу даъватлар билан тарбиялаш қийин. Шунинг учун ҳам кўпична қамоққа олиб ўзларига келтиришади, тарбиялашади!  
Азиз болажонларим! Сизларга қиссадан ҳисса тарзиде айтиладиган гапим шуки, турмуш тарзингиз озода ва ҳалол бўлсин. Пок ниятли, соф кўнғилли, олижаноб кишилар орасида яшанг. Агар ёмонларга кўшилсангиз муаттар хидлардан қочиб ўзини қўланса хидлар орасига урвучи гўнгкўнғиз мислидаги одамларга айланиб қоласиз. Бундай бўлишдан эса хар бирларингизни яратганинг ўзи асрсин!  
Худди шундоқ, болажонларим! Кимга эзгулигу, савоб ишлар ёқмаса, демак у қабоҳату гуноҳ бўлишга ўрганган бўлади!  
Сизлар доимо ёмонликдан эмас, яхшиликдан, зулматдан эмас, нурдан баҳраманд бўлишга эришинг. Хушбўй нарсаларга ошино бўлинг, хушфазилли одамлар орасида юринг. Лекин зинҳор базинҳор бурни қўланса хидли гўннга тиквучи кўнғизга ўхшаб қолманг. Зеро инсон эотиға муаттар хид, озода жой, хушқилиқли хамроху хамхона кераклигини ҳеч қачон унутманг!  
Мукамбар КАЛОНХОНОВА

**Хонаки ҳангомалар**

**БЎЛМАСА ФИЛИП ДЕРДИК...**

Зангори экран орқали Камолиддин Раҳимовнинг концертини томоша қилаётганим. Уртанча ўғлим: — «Ада бошқа программага олиб кўрайлик», деб қолди. «Ўғлим, Камолиддин Раҳимов менинг энг яхши кўрган ҳофизларимдан. Шунинг учун хатто уқангни отини ҳам Камолиддин деб қўйганман», — десам, уртанча ўғлим секин уқасига энгашиб: «Қамол ўхшиям адам Киркоровни яхши кўрмаган эканлар. Бўлмаса сени ҳозир Филип деб қақирарардик», деса бўладими.

**ПЕШАЙВОН МАСАЛАСИ...**

Маданият уйига кираверишдаги катта эшик устига ярим ой шаклида елим материалдан европача айвон ясаб беришни, қурилиш муҳандисига айтиб ҳам, қозғода чизиб ҳам сира тушунтиролмадим. Кейин уни Олой бозоригача эргаштириб келиб, қаршимиздаги купкаватли бинонинг эшиги устидаги каттақон пешайвонини кўрсатиб, «Мана шунинг детскийсини изделает», — деб араңг тушунтирдим.  
Н. Т. ҚУРБОНОВ,  
Юнусобод тумани,  
М. ҚОДИРИЙ номли  
Маданият уйининг директори

**Билла**  
Мақолада келтирилган фактлар, воқеалар, маълумотлар учун муаллиф жавобгар ҳисобланади.  
Муаллиф фикри тахририят нуқтаси назаридан фарқ қилиши мумкин.  
Қўлёзмалар таҳлил қилинмайди ва муаллифларга қайтарилмайди.

**БОШ МУҲАРРИР: ДИЛБАР САИДОВА**

Телефонлар:  
Бош муҳаррир - 133-28-20  
Котибият - 34-86-91  
Эълонлар бўлими - 136-56-52

**МАНЗИЛИМИЗ**  
Тошкент-700000,  
Амир Темур кўчаси,  
1-тор кўча, 2-уй.

«Шарк» нашриёт-матбаа концерни босмаҳонаси.  
Манзил Тошкент, Буюк Турон кўчаси, 41-уй.  
Босишга топшириш вақти - 20.35.  
Босишга топширилди - 21.15.

**Ҳомий**  
«Матбуот тарқатувчи» акциядорлик жамияти

Обуна индекси - яқка обуначилар учун 176  
ташкilotлар учун 177

Рўйхатга олиш № 33  
Буюртма Г-0486  
31.794 нусхада чоп этилди.  
Формати А-3, ҳажми 2 босма табоқ.  
Чоршанба кунлари чиқади.  
Баҳоси эркин нархда.  
Расом — Н. ХОЛМУРОДОВ.  
Навбатчи Н. ЙЎЛДОШЕВА.